

1918 Թ. ՄԱՅԻՍՅԱՆ ՀԵՐՈՍԱՄԱՐՏԵՐԸ ԵՎ  
ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՊԱՏՄԱԿԱՆ  
ՆՇԱՆԱԿՈՒԹՅՈՒՆՆ ՈՒ ԴԱՍԵՐԸ\*

ՀՀ ԳԱԱ ակադեմիկոս ԼԵՆԴՐՈՒՇ ԽՈՒՐՇՈՒԳՅԱՆ

1. Վիճահարույց հիմնախնդիրները

Քննարկվող իրադարձությունների պատմական նշանակությունն ու դասերը լուսաբանելու, որոշակի եզրակացությունների հանգելու համար առաջին հերթին պետք է ունենալ մի քանի կարևոր հիմնախնդիրների դիտական, բնաշար պատասխանները. «ինչպիսի» առանձնահատուկ, ճակատագրական տեղ է գրավում 1918 թվականի առաջին կեսը հայ ժողովրդի պատմության մեջ, ո՞րն էր հարձակվող թուրքերի հիմնական նպատակը՝ միայն Հայաստանը նվաճումը, թե նաև ամբողջ հայության ցեղասպանության ավարտը, ինչո՞ւ անհուսալի թվացող դժոխային իրավիճակում հայ ժողովուրդը 1918 թ. մայիսին կարողացավ փայլուն հաղթանակ տանել, իսկ 1920 թ. սեպտեմբեր-նոյեմբերին հայոց 40 հազարանոց զինված, հանդերձավորված բանակը պարտվեց, որոնք էին դրա պատճառները, Մայիսյան հերոսամարտերը իրո՞ք տարերային բնույթ ունեին, ինչպես ընդունված է գրել, թե ընդհակառակը դրանք ունեին պետական, զինվորական ու կուսակցական ընդհանուր ղեկավարություն և ընթանում էին այդ ղեկավարության կողմից մշակված հստակ ծրագրերով: Եթե թուրքերի դեմ մղվող օրհասական պայքարը ընդհանուր ղեկավարություն է ունեցել, ապա ո՞վ է եղել այդ պայքարի կազմակերպիչն ու ղեկավարը: այդ իրադարձությունների մեջ ինչ դեր է ունեցել ՀՀ Դաշնակցությունը: Եվ վերջապես, ինչո՞ւ կրթմանվեց հայոց նորաստեղծ Հանրապետությունը՝ երկրի ղեկավարության թույլ տված սխալները, թե դրա հետ չառընչվող արտաքին: ուժերի՝ Թուրքիայի և Սովետական Ռուսաստանի հակահայկական գործարքի պատճառով, որոնց զինված ուժերի ճնշման տակ 1920 թվականի ղեկսիմբերի 2-ին հայոց պետականությունը դադարեց գոյություն ունենալուց:

Այս օրերին, երբ ամբողջ հայ ժողովուրդը հանդիսավոր պայմաններում նշում է 80 տարի առաջ տեղի ունեցած պատմական իրադարձությունների՝ 1918 թվականի Մայիսյան հերոսամարտերի և Հայաստանի Հանրապետության հռչակման իրոք պատմական հոբելյանը, ամբողջ հայ ժողովուրդը և առաջին հերթին նորից վերածնված Հայաստանի ներկա հանրապետությունը պետք է դասեր քաղեն անցյալի պատմությունից, մշակեն ազգային գաղափարախոսության՝ ավանդական գոծոնների վրա հենված արդի մոդելը: ազգային անվտանգության կոնցեպցիան, որպեստի կարողանան օգտագործել հայ ժողովրդի դուրստումը, հայոց անկախ պետականությունը դալիք բոլոր դրո՞րերում:

Հիշյալ հիմնախնդիրները վերլուծելիս պետք է ոչ թե պատմական իրողություններն ու վավերագրերը հարմարեցնել կուսակցական ու քաղաքական տեսություններին, ինչպես սովորաբար դա արվում է, այլ ընդհակառակը,

\* Ձեկուղում՝ կարգացված ՀՀ ԳԱԱ նախագահության և Պատմության ինստիտուտի՝ Հայաստանի Հանրապետության և Մայիսյան հերոսական մարտերի 80-ամյակին նվիրված հոբելյանակալիս օրհուական նստաշրջանում, 1998 թ. մայիսի 22-ին:

պատմագիտական տեսակետները ըխեցնել պատմական իրադարձությունների և արժանահավատ փաստաթղթերի օբյեկտիվ, գիտական ուսումնասիրությունից:

2. Թուրքիայի հիմնական նպատակն է եղել Արևելյան Հայաստանի նվաճումը և տրևելահայության գեղասպանությունը

1918 թվականը ճակատագրական տարի էր հալ ժողովրդի համար: Թուրքիան իրագործելով արևմտահայերի ցեղասպանությունը և օգտվելով այն հաղթանակից, որ ուսական զորքերը հեռացել են Կովկասյան ռազմաճակատից, 1918 թ. հունվարի վերջին, խախտելով նրդնկայի գինադադարը՝ արշավանց է սկսում դեպի Անդրկովկաս՝ նպատակ ունենալով բնաջնջել նաև արևելահայությունը, վերացնել հայկական «սեպր» և պայմաններ ստեղծել պանթուրքիզմի գաղափարախոսության իրականացման, Մեծ Թուրանի թուրքական պետության ստեղծման համար:

Թուրքական զորքերը կարճ ժամանակահատվածում, գրեթե առանց դիմադրության, վերանվաճում են Արևմտյան Հայաստանը, Կարսի մարզը, ներառելով Արևելյան Հայաստան և մայիսի 21-ին գրավում Ստրղարապատը՝ անմիջական վտանգ ստեղծելով Երևանի համար: Թուրքական զորամասերի արշավանքն ուղեկցվում էր հալ բնակչության զանգվածային կոտորածներով և փախուստով դեպի դեռևս թշնամու կողմից չնվաճված շրջանները: Թուրքական զորքերը առաջ էին շարժվում մի քանի ուղղությամբ: Իրենց հիմնական խնդիրը կատարելուց հետո այդ զորամասերը պետք է միանային և շարժվեին դեպի Բաքու՝ Ադրբեջանում խորհրդային իշխանությունը տապալելու համար: Երիտթուրքերը, մուսաֆաթականները, ինչպես նաև ադրբեջանցի կոմունիստները՝ Ն. Նարիմանովի ղեկավարությամբ Բաքվի կոմունան գիտում էին որպես հայերի կամ էլ հայամետ իշխանություն: Եվ պատահական չէ, որ ինչպես Ադրբեջանի առաջին, այնպես էլ ներկա հանրապետության ղեկավարությունը 1918 թվականի մարտյան քաղաքացիական կռիվները դիտում են որպես ադրբեջանցիների ցեղասպանություն:

Այսպիսով, 1918 թ. մայիսին նորից օրակարգ մտավ հալ ժողովրդի լիենել-չլինելու հարցը: Հայերը, որոնք նսկայական տարածքներ՝ ամբողջ Արևմտյան Հայաստանը և Կարսի մարզը, գրեթե առանց կռվի, թողել էին թուրքական, այլևս նահանջելու տեղ չունեին: Նրանք կամ պետք է օրհասական կռվի դուրս գային՝ թշնամուն հաղթելու վճռականությամբ, կամ էլ մասամբ ցեղասպանության ենթարկվելով՝ հեռանային արտերկիր, լքելով պատմական Հայրենիքի վերջին անկյունը՝ Արևելյան Հայաստանը:

Այդ առումով, վստահորեն կարելի է ասել, որ հալոց բազմադարյան պատմության մեջ նման ճակատագրական իրադրճակ ստեղծվում էր երկրորդ անգամ: Բախտորոշ սրայքար էր գնում հալ ժողովրդի և հալոց անկախ հայրենիքի գոյապահպանման համար: Դարերի ընթացքում հալ ժողովուրդը դեներ ձեռքին պայքարել էր իր անկախության կամ էլ օտաերի լծից ազատվելու համար: Իսկ այժմ պայքարում էր իր ֆիզիկական գոյությունն ապահովելու համար: Պարտության եհսլքում հայերը կորցնում էին ապրելու իրավունքը, նրանք ցեղասպանության էին ենթարկվում, հաղթանակի դեպքում՝ ձեռք էին բերում ոչ միայն գոյատևման, այլև անկախ պետականություն ունենալու իրավունքը:

Այրերտրանք չկար: Հալ ժողովուրդը դնաց վերջին ու վճռական դուտեմարտի՝ մահ կամ ազատություն կարգախոսով: Եվ կատարվեց անխուսափելի հրաշքը: Հալ ժողովուրդը շահեց ճակատագրական ճակատամարտը, պատմական հաղթանակ տարավ: Մայիսի 28-ին, որպես Մալիսյան հերոսամարտերում տարած փառասանծ հաղթանակների արդյունք, հռչակվեց Հայաստանի Անկախ Հանրապետությունը:

### 3. Պորթլեմի ուսումնասիրության վիճակը կոմունիստական կուսակցության տիրապետության տարիներին

Առաջ զնալու համար անհրաժեշտ է ճշտորեն գնահատել անցյալի իրադարձությունները, նրանց պատմական նշանակությունը և զրանցից բխող ազգային առաջնահերթ խնդիրներն ու դասերը:

1918 թվականի Մայիսյան հերոսամարտերի և Հայաստանի Հանրապետության պատմական նշանակությունը և դասերը բացահայտելու համար, որպես հիմնական պայման, մենք պետք է ունենայինք հիշյալ պատմական իրադարձությունների բազմակողմանի մշակված գիտական պատմությունը:

Սակայն, ցավոք, ինչպես Մայիսյան հերոսամարտերի, այնպես էլ Հայաստանի Առաջին Հանրապետության պատմությունն ի սկզբանե մտել են կուսակցական շահարկումների ոլորտ, որի հետևանքով այդ կարևորագույն պատմական իրադարձությունների պատմությունը խեղաթյուրվել է, կեղծվել և ծուռ հայելու մեջ ներկայացվել հայ ժողովրդին և ամբողջ աշխարհին:

Խորհրդային իշխանության տարիներին, շուրջ 70 տարի, այդ պատմությունը կեղծվել է խորհրդային պատմաբանների կողմից, որը հանդիսանում էր իշխանության ղեկի մոտ գտնվող բոլշևիկյան կուսակցության՝ դաշնակցության և նացիոնալիզմի դեմ մղվող պաղափարական պայքարի բաղկացուցիչ մասը: Ընդ որում, խորհրդային սարիներին, մինչև Ստալինի մահը և ԽՄԿԿ 20-րդ համագումարը բնդհանրապես արգելված էր գրել Մայիսյան հերոսամարտերի մասին, իսկ Հայաստանի Հանրապետության ժամանակաշրջանը մենագրություններում և դասագրքերում իր տեղն էր գտնում՝ «Իրշեվիկները պայքարը դաշնակցականների՝ Կալաթաղի դաշնակցականության դեմ 1918—1920 թվականներին» վերնագրով կամ էլ նույնատիպ այլ տարբերակներով:

ԽՄԿԿ 20-րդ համագումարից հետո, քաղաքական «ձևհալի» պայմաններում որոշ ննարավորություններ ստեղծվեցին այդ արգելված հիմնախնդիրների ինչ-որ չափով բարձրացման համար: Սև ղժվարությանը, բազմաթիվ խոշոր գոտիների հաղթահարմամբ սկսեցին գրքեր ու հոդվածներ հրատարակվել Մայիսյան հերոսամարտերի մասին: Սակայն այդ ուսումնասիրություններում, ժամանակի պայմաններից ելնելով, իսկ որոշ դեպքերում էլ քաղաքական համոզմունքներից, հեղինակները շարունակում էին մերժել Դաշնակցության դերը Մայիսյան հերոսամարտերում: Իսկ շատ դեպքերում էլ խրստորեն քննադատում սովյալ ժամանակահատվածում այդ կուսակցության վարած քաղաքականությունը: Հասկանալի է, որ նման մոտեցումով գրված ուսումնասիրությունները (առաջին հերթին նկատի ունեմ Հ. Թորջյանի «Մարդարապատի հերոսամարտը» աշխատությունը), մի կողմից, սովյալ պայմաններում համարվելով խիզախություն, անկասկած իրենցից ներկայացնելով որոշակի գիտական արժեք, պրոբլեմի գիտական ուսումնասիրության սկիզբ, մյուս կողմից, այնուամենայնիվ չեն կարող հիմք հանդիսանալ այդ պատմական իրադարձության նշանակության և դասերի լիարժեք և բազմակողմանի բնութագրման համար:

Եթե Մայիսյան հերոսամարտերի մասին այդ նոր փուլում կարելի եղավ արտահայտել կիսաճշմարտություններ, ապա ցավոք Հայաստանի Հանրապետության պատմության ուսումնասիրության գործում լուրջ տեղաշարժեր չկատարվեցին: Հիմնականում ուժի մեջ մնացին նախկին արատավոր, հակագիտական տեսակետները: Դաշնակցության վարկաբեկման նպատակով սկսեցվում էր 1918—1920 թթ. ամբողջ պատմությունը, բոլոր անհաջողությունները վերագրվում էին: այդ կուսակցությանը, իսկ հաջողությունները Մայիսյան հերոսամարտերի ժամանակ Արամ Մանուկյանի ալեմին և ժողովրդին, իսկ Հանրապետության տարիներին՝ առանձին անձանց և ոչ թե պետությանը: Հայաստանի Հանրապետության, հայոց պետականության կործանումը, որը սովյալ ժամանակահատվածի ամենախոշոր պրոբլեմն է, միա-

նշանակորեն բնութագրվում էր որպես իշխանության ղեկի մոտ դանվող ՀՀ Դաշնակցության սխալ քաղաքականության արդյունք:

Ի հակադրություն լոշևիկյան պատմագրության, Դաշնակցությունն էլ սույն հիմնախնդիրների մասին ստեղծեց իր կուսակցական պատմագրությունը, որն ավելի մոտ լինելով ճշմարտությանը, այնուամենայնիվ, կուսակցական պատմագրություն էր՝ իր վարած քաղաքականությունը անսխալ տեսնելու միտումով, որը ևս անընդունելի է և չի կարող հանգեցնել սպառիչ գիտական եզրահանգումների:

2. Պրոբլեմի ուսումնասիրության վիճակը Հայոց համազգային շարժում կուսակցության տիրապետության շրջանում

1991 թվականին խորհրդային կայսրությունը փլուզվեց, ժողովրդական հանրաքվեի արդյունքների հիման վրա նույն թվականի սեպտեմբերի 23-ին ՀՀ Գերագույն խորհուրդը հռչակեց Հայաստանի Հանրապետությունը անկախ պետություն:

Թվում էր, թե անկախ ազգային պետության ստեղծմամբ վերացվելու է և քաղաքական կապանքները, և ազգային գաղափարախոսության հիմքերի վրա՝ Հայոց պատմագիտությունը՝ ձերբազատվելով կոմունիստական գաղափարախոսության կապանքներից, ազատ զարգացում կապրի և կհասնի մեծ հաջողությունների: Սակայն այդ հույսերը շիրականացան: 1994 թվականի դեկտեմբերի 28-ին Դաշնակցության գործունեությունը Հայաստանի Հանրապետությունում դադարեցվեց: Բանտերը՝ կեղծ մեղադրանքների հիման վրա, որոնք հիշեցնում էին 1937 թվականը, լցվեցին դաշնակցության անդամներով: Հայաստանում Դաշնակցության դեմ սկսվեցին քաղաքական դատավարություններ:

Պատմագիտությունը ՀՀ նախագահի կողմից բնութագրվեց որպես կեղծ գիտություն, իսկ ազգային գաղափարախոսությունը՝ «կեղծ քաղաքական կատեգորիա»: Սկսվեց հայոց պատմությունը Հայոց համազգային շարժում ապազգային կուսակցության գաղափարախոսության տեսանկյունից վերարժեքավորելու շրջանը: Սակայն ՀՀԾ-ն այդ բնագավառում նոր բան չստեղծեց և չէր էլ կարող ստեղծել: Ըստ էության ՀՀԾ-ն որպես պետական գաղափարախոսության բաղկացուցիչ մաս ուժի մեջ թողեց բոլշևիկյան հակադաշնակցական պատմագիտության տեսակետները: Իշխանության և իշխանամետ թերթերը հեղեղվեցին Դաշնակցության դեմ և Դաշնակցության գործունեության հետ առնչվող պատմական իրադարձությունների մասին գիտության հետ ոչ մի առնչություն չունեցող, շատ հաճախ զրպարոշական բնույթ կրող հոդվածներով և Սփյուռքում հակադաշնակցական ուժերի կողմից տասնամյակների ընթացքում ստեղծված հակադաշնակցական գրականությունից արտատպումներով: Հայաստանի Հանրապետության ՀՀԾ-ական ղեկավարությունը գրեթե առանց փոփոխությունների շարունակեց խորհրդային Հայաստանի բոլշևիկյան ղեկավարության հակադաշնակցական, հակագիտական քաղաքականությունը պատմագիտության բնագավառում: Եթե 1918 թ. առաջին կեսի պատմության լուսաբանման հարցերում որոշ ձեռքբերումներ եղան՝ նկատի ունեմ Հ. Ավետիսյանի «Հայկական հարցը 1918 թվականին» աշխատությունը, ապա Հայաստանի Հանրապետության պատմության լուսաբանության գործում փոփոխություններ չկատարվեցին: Այս փուլում ամենամեծ հարվածը հասավ Հայաստանի Առաջին Հանրապետության պատմության ուսումնասիրությանը: Քանզի ՀՀ նախագահ Լ. Տեր-Պետրոսյանը և ՀՀԾ-ն, Դաշնակցությունը վարկաբեկելու գրգռապատճառներից ելնելով, նպատակ էին հետապնդում ցանկացած խաբեության դիմելով ժողովրդին ցույց տալ, որ Հայաստանի Առաջին Հանրապետությունը կործանվել է այդ կուսակցության սխալ քաղաքականության պատճառով: Այդ հակադաշնակցական բարոզությունը կատարվում էր ՀՀԾ-ին հատուկ խիստ զիրենտանտական մոակարգակով: Պատմաբանները տարօրինակ կերպով լռեցին:

Ստեղծված բարենպաստ պայմաններում սկսում էր աստիճանաբար վերականգանանալ բոլշևիկյան հակադաշնակցական պատմագրությունը, որը ըստ մեզ, բնութագրվում է որպես Լենին-Բուխարին պատմագրություն: Բոլշևիկյան կուսակցության պատմության կողմից մերժված տեսակետները վերականգանանում են և փորձում տեղ գտնել ազգային պատմագրության շրջանակներում: Հասկանալի է, խոսքը տվյալ դեպքում չի վերաբերում կոմկուսի պաշտոնական պատմագրությանը:

Հանուն ճշմարտության պետք է նշել նաև, որ անցած ժամր տարիներին փորրաթիվ գիտնականների կողմից ընդդիմադիր մամուլում հրատարակված հոդվածներում և առանձին ուսումնասիրություններում պաշտպանվել են քննարկվող սլոբոլևների մասին գիտական տեսակետները և խստորեն քննադատվել Հայ.ց համալսարանի շարժում կուսակցության և նրա լիդեր Լ.Տեր-Պետրոսյանի ազգային փառալուստիստությունը՝ պատմագրության բնագավառում:

Հասկանալի է, սակայն, որ նման ապադգային իշխանությունները չէին կարող երկար գոյատևել: 1998 թվականի փետրվարի սկզբներին ՀՀԿ-ն և նրա լիդեր Լ.Տեր-Պետրոսյանը հեռացվեցին իշխանությունից և նետվեցին պատմության աղբարկղը: Իշխանության գլուխ եկան ազգային ուժերը, որով և պայմաններ ստեղծվեցին քննարկվող հիմնախնդրների ուսումնասիրությունը կուսակցական շահարկումների ոլորտից հանելու ազգային պատմագրություն ստեղծելու համար:

##### 5. 1918 թվականի առաջին կեսին Հայաստանն ունեցել է պետական-փառապաշտոնական բնույթի ինքնավարություն

Այժմ համառոտակի անդրադառնանք երկու վիճելի հիմնախնդրներին, որոնց լուծումը շունենալով մենք, ես կարծում եմ, չենք կարողանա ներկայացնել ոչ Սայիսյան հերոսամարտերի և ոչ էլ Հայաստանի Հանրապետության ամբողջական պատմության պատմական նշանակությունը և դրանից բխող պատմական դասերը:

Հիմնախնդիր առաջին. Սայիսյան հերոսամարտերը իրոք եղել են տարբերակիչ և շեն ունեցել պետական, ազգային-կուսակցական ընդհանուր ղեկավարություն:

Դաշնակցությունը 1917 թ. նոյեմբերին սեղի ունեցած Սահմանադիր ժողովի ընտրությունների ժամանակ ստացավ 560 հազար ձայն, և հայ իրակալություն մեջ անմրցակից, տիրապետող դիրք էր զբաղում: 1917 թ. հոկտեմբերին ստեղծված արևելահայ ազգային խորհուրդը, որը պետականություն ստեղծելու էր և պետականության դիրք էր կատարում, փաստորեն իրակալացնում էր Դաշնակցության քաղաքականությունը: 15 հոգուց բաղկացած այդ խորհուրդում, կրթական կուսակցությունները ներկայացված էին մեկ-երկու հոգով, 3 հոգի անկուսակցականներ էին, Դաշնակցությունն ուներ 6 անդամ: Խորհրդի նախագահը դաշնակցական էր: Ավելի վաղ, 1917 թ. մայիսին ստեղծված արևմտահայ խորհուրդում ևս մեծամասնություն էին կազմում դաշնակցականները: Խորհրդի 15 անդամներից 8-ը դաշնակցականներ էին, մնացած 7-ը՝ այլ քաղաքական կուսակցություններից:

Պատմական փաստաթղթերը ցույց են տալիս, որ դեռևս 1917 թ. վերջերից, երբ ուսական բանակը լքում էր Կովկասյան ճակատը և թուրքական վտանգը նորից հայ ժողովրդի համար օրակարգի հարց էր դառնում, արևելահայ և արևմտահայ ազգային խորհուրդները ՀՀ Դաշնակցության ղեկավարությունը հսկայածավալ աշխատանքներ էին ծավալել՝ զորահավաքի կազմակերպման, հայոց բանակի ստեղծման, թուրքական ուժերին դիմակայելու, Հայրենիքը փրկելու ուղղությամբ: 1917 թ. հոկտեմբերին արևելահայերի ազգային խորհուրդը Արամ Մանուկյանին ուղարկեց Երևան՝ իբրև լիազոր-ներկայացուցիչ: Դեկտեմբերին Երևանում ստեղծված ազգային խորհուրդը, որը ևս պետական մարմնի դեր էր ստանձնել, ղեկավարվում էր Արամ

Մանուկյանի կողմից: Նույն ամսին Հայոց ազգային խորհրդի կարգադրու-  
թյամբ ստեղծվում է Երևանի ազգային և զինվորական խորհուրդների միաց-  
յալ հատուկ կոմիտե, որի առաջ խնդիր է դրվում՝ ոտքի կանգնեցնել հայ  
ժողովրդին, հավաքել հալ զինվորներին և ստեղծել հայկական կորպուս:  
Այդ միացյալ կոմիտեն ևս ղեկավարում էր Կաշնակցությունը ներկայացնող  
Արամ Մանուկյանը:

Հասուկ կոմիտեի հենց առաջին կոչում ասված էր. «Հայրենակիցներ,  
Հայրենիքը վտանգված է: Այսօր սպառնալիքի ու ոչնչացման անդունդի ծալ-  
րին է կանգնած ոչ միայն մոխրակույտերով գարգարուն Թուրքահայաստանը,  
այլև կոպկասահայ ժողովուրդը և ընդհանրապես մեր գեղեցիկ Կովկասը: Ար-  
հավիրքը ծավալվում է շտապկոտ արագությունով, ուստի ժամանակը չի սպա-  
սում: օրը տարվա շափ արժեք ունի: Ամեն ոք պիտի լցվի պարտականության  
գիտակցությամբ և կանգնի իր դիրքի վրա: Այս է պահանջում հայ ժողովրդի  
հավաքական կամքը, այս է պահանջում պատմական ժամը: Ազգային խոր-  
հուրդը որոշել է կանգ չառնել ոչ նյութական և ոչ էլ բարոյական զուսուցու-  
թյան առաջ: Բոլոր հայաբնակ գավառները հասարակական գործիչներ ու զին-  
վորական լիազորներ են ուղարկված՝ հայ զինվորներ հավաքելու համար: Ել-  
նելով վտանգի մեծությունից, Հասուկ կոմիտեն իր կոչն ուղղել էր ոչ միայն  
հալ զինվորներին, այլև ամբողջ հայ ժողովրդին: Կոչում այդ մասին ասվում  
էր. «Հայեր, կոչն ամենքիդ ենք ուղղում: Ամենքը պիտի ոտքի ելնեն՝ զինվոր  
դառնալու համար կամ զինվորի դժվարին բեռը թեթևացնելու համար, ամեն-  
քը պիտի իրենց մասնակցության բաժինը երևան հանեն, ծեր ու երիտասար-  
դը, հարուստն ու աղքատը, տղամարդն ու կինը. ամենքը, ամենքը...»:

Կոչի տակ ստորագրված է՝ Երևանի հայոց ազգային ու զինվորական  
խորհուրդների Հասուկ կոմիտե: Կոչը տպագրված թերթիկի ձևով տարածվել  
է Հայաստանի տարածքում: Նույն ղեկավարներ ամսին Հասուկ կոմիտեն տա-  
րածում է մի կոչ ևս, որով նա դիմում էր ուսուցիչներին, բժիշկներին, փոս-  
տաբաններին, ինժեներներին և ընդհանրապես հայ բոլոր մտավորականնե-  
րին, ինչպես նաև ուսանողներին ու աշակերտներին, ընդգծելով, որ «այսօր  
կրկին ձեր գոներն է բախում հայ ժողովրդի բախտը»: Կարճ ժամանակում  
Արամին հաջողվեց իր շուրջը համախմբել հասարակական-քաղաքական բո-  
լոր ուժերին և ստեղծել պատկառելի զինվորական ուժ:

Պահպանված բազմաթիվ փաստաթղթեր, որոնց տակ կա Արամ Մանուկ-  
յանի ստորագրությունը, որպես Հայոց ազգային խորհրդի լիազոր ներկայա-  
ցուցիչի, ցույց են տալիս, որ թուրքական զորքերին ռազմական դիմակայու-  
թյան կազմակերպումը ղեկավարում էր Արամ Մանուկյանը: Շատ փաստա-  
թղթերում նրա անվան դիմաց կրճատ գրված է՝ Երևանի հասուկ լիազոր:

1918 թվականի մարտին ժողովրդի պահանջով Արամ Մանուկյանը հրո-  
չակվում է «գրկատար»՝ իր ձեռքում կենսարոնացնելով ամբողջ իշխանություն-  
ներ: Մարտի 28-ին, երբ թուրքական զորքերը արագորեն շարժվում էին դեպի  
Արևելյան Հայաստանի խորքերը, այդ ճակատագրական պահին նա կոչով դի-  
մում է հայ ժողովրդին՝ թշնամու դեմ կովելու համար ուժեր մոբիլիզացնելու  
մասին: Կոչում ասված էր. «Պատերազմական գործողությունների դժբախտ  
ընթացքը ցնցեց ամբողջ հայությունը. նամանավանդ հայության սիրտը կաղ-  
մող Երևանը: Ստեղծված կացությունը, տպավորությունների տակ Երևանի հայ  
Խողովուրդը, զինվորականությունը, հրամանատարությունն ու սպայությունը  
հարկ համարեցին արտակարգ լիազորություններ տալ ինձ՝ ճակատն ուժեղաց-  
նելու, ներքին անխիղճությունները սանձելու և առհասարակ մեր ներքին  
ու արտաքին կոիվներին՝ վճուական ու կտրուկ միջոցներով արագ ընթացք  
տալու:

Ստանձնելով այդ պատասխանատու պարտականությունը ճգնաժամային  
այս ծանր օրերին, ես հրապարակով հայտարարում եմ բարձրաձայն, որ դո-  
լություն ունեցող բոլոր մարմինները՝ Ազգային խորհուրդ, ճակատի բարձ-  
րագույն հրամանատարություն, պետական հիմնարկություններ, կան ու  
մնալու են իրենց դերի ու դիրքի մեջ:

Իմ անելիքը պետք է լինի՝ մի կողմից արագացնել աշխատանքը և մյուս կողմից՝ ամեն մի մարմնի և գործող ուժերի դնել իր վայելու: դերի մեջ և հաստատել զինվորական օրինակելի կարգասլաքությունը»:

Այսպիսով, պատմության այս ճակատագրական պահին հայոց ինքնապահպանման, բնազդը, որը ազգային գաղափարախոսության առանցքն է, գտավ հիմնախնդրի ճիշտ լուծումը և «դիկտատորի» իրավունքներ տվեց ՀՀ Դաշնակցության փայլուն լիդերներից մեկին՝ Արամ Մանուկյանին: Այսինքն, հայոց աշխարհի վերջին, դեռևս ազատ անկյունում հաստատվեց ռազմական դիկտատուրա: Յուրաքանչյուր պատմական պահ առաջ է քաշում իր առաջնորդին, 1918 թվականի առաջին կեսին ժողովրդի պահանջով նման դեր էլ ստանձնել Արամ Մանուկյանը:

1918 թվականի Մայիսյան հերոսամարտերի ժամանակ ցեղասպանություն բերող թուրքական զորքերի դեմ կենաց ու մահվան կռվի էր դուրս եկել ամբողջ հայ ժողովուրդը՝ արևելահայությունը, այնտեղ կենտրոնացված արևմտահայությունը, կովկասահայությունը և անգամ ինչ-որ չափով սփռուածությամբ: Այդ ժողովրդական պատերազմը տարերային չէր: Կռվող ուժերի միջուկը հայոց բանակն էր: Պատերազմը ուներ իր զինվորական ղեկավարությունը, որի մշակած պլաններով էլ գործում էր հայոց բանակը, կռվող ամբողջ ուժը: Սակայն այդ վճարող պահին հայոց հայրենիքը ուներ նաև իր պետական, ազգային-կուսակցական ընդհանուր ղեկավարությունը՝ հանձին ազգային խորհրդի «դիկտատոր» Արամ Մանուկյանի և ՀՀ Դաշնակցության: Փաստորեն հաստատվել էր ոչ թե Արամ Մանուկյան անձի, այլ Դաշնակցության ղեկավարության, որն անլիճելի տիրապետող դիրք ուներ հայ ժողովրդի մեջ և որպես դրա հետևանք նաև արևելահայ ու արևմտահայ ազգային խորհուրդներում: Ի վերջո, անհեթեթություն է կուսակցության լիդերին կուսակցությունից անջատելը, իսկ վերջինս էլ ազգային խորհուրդներին:

Պատմական իրողության դեմ մեղանշում են, կուսակցական շահարկումներին տուրք են տալիս բոլոր նրանք, ովքեր փորձում են Արամ Մանուկյանին անջատել Դաշնակցությունից և ժխտել այդ կուսակցության առանցքային դերը Մայիսյան հերոսամարտերում:

6. Հայաստանի Առաջին Հանրապետությունը ռուս-բուլղարական գործարքի զոհն է

Հիմնախնդիր երկրորդ. երկրորդ կարևորագույն հիմնախնդիրը, որը քրեանարկվող թեմայի կապակցությամբ անհրաժեշտ է բարձրացնել, կայանում է հետևյալում. ինչու կործանվեց Հայաստանի Առաջին Հանրապետությունը՝ Դաշնակցության թույլ տված սխալների՞, ինչպես պնդում են հակադաշնակցական ուժերի գաղափարախոսները և պատմագետները, թե՞ պարզապես քեմալական Թուրքիայի և բուլղարիկյան Ռուսաստանի հակահայկական գործարքի զոհը դարձավ Հայաստանը:

Ես նպատակ չունեմ մեղադրելու ոչ մեկին, շատ նյութեր ժամանակին շրջանառության մեջ չեն գտնվել, արխիվներում անհրաժեշտ նյութերը գիտնականներին չեն տրվել: Սակայն այսօր, երբ արխիվները բացվել են և մեր արամսոցրության տակ են գտնվում այդ թեման բացահայտելու համար գրեթե բոլոր անհրաժեշտ նյութերը, որոնց մի մասը հրատարակվել է, հակագիտական կլիխի և պատմական իրողության հետ ոչ մի առնչություն չի ունենա Հանրապետության կործանումը Դաշնակցությանը վերագրելը: Որոնք են այդ տեսակետը հիմնավորող նյութերը: Փաստաթղթերը շատ են, մի զեկուցման մեջ հնարավոր չէ ներկայացնել բոլոր հայտնի նյութերը, բավարարվենք մի քանիսի բովանդակության շարադրմամբ:

1. Մուստաֆա Քեմալը 1920 թ. ապրիլի 26-ին Թուրքիայի Աղզային Մեծ ժողովի կողմից ղրմում է Անիին՝ առաջարկելով Ադրբեջանը Ռուսաստանին զոհաբերելու գնով ստանալ Հայաստանի ճակատագիրը տնօրինելու իրավունքը: Կարծեք թե ի պատասխան այդ նամակի, Ստալինը 1920 թ. հուլիսի

Ց-ին Օրջոնիկիձեին հեռագրում է. «Իմ կարծիքն այն է, որ չի կարելի անվերջ լարախաղացություն անել կողմերի միջև, պետք է որոշակիորեն պաշտպանել կողմերից մեկին, ներկա դեպքում իհարկե, Ադրբեջանին, Թուրքիայի հետ միասին»:

Այդ շրջանում վարվող քաղաքականության մասին Օրջոնիկիձեն քիչ ավելի ուշ գրել է. «Այն պահից, երբ խորհրդային իշխանությունը հաստատվեց Ադրբեջանում, այդ հանրապետությունը մեկ համար ելակետ դարձավ, որտեղից մենք հարձակվում էինք մենջևեկների, դաշնակցականների, բուրժուական, ազգայնահակահեղափոխական կառավարությունների վրա»:

Այդ նշանակում է, որ Ռուսաստանը համաձայն էր բավարարելու Թուրքիայի և Ադրբեջանի տարածքային պահանջները Հայաստանից: Ճիշտ է, Ռուսաստանը և Թուրքիան ունեին մասնակի տարածքային վեճեր, սակայն միջազգային իմպերիալիզմի դեմ մղվող պայքարի անհրաժեշտությունը և համաշխարհային սոցիալիստական հեղափոխության կեղծ տեսության իրականացումը այդ երկու պետություններին տարավ դեպի հակահայկական գործարքի կնքում: Սա ժամանակի պայմաններից բխող տակտիկական քայլ էր, որովհետև ստրատեգիական առումով Թուրքիան և Ռուսաստանը հավերժ թշնամիներ են, և այդ հանգամանքն է հանդիսանում հայերի ռուսական կողմնորոշման հիմքը: Ի վերջո, Ռուսաստանը այդ շրջանում պայքարում էր ցարական կայսրության տարածքային ամբողջականությունն ապահովելու համար, իսկ Թուրքիան՝ Օսմանյան կայսրության կորցրած տարածքները հետ ստանալու:

2. Փաստաթղթերի երկրորդ խումբը վերաբերում է Բեքիր Սամիի մուկուլյան պատվիրակության նյութերին, որոնք մանրամասն ներկայացված են Թուրքական պատմագիտական և պատմալավերագրական գրքերում և հիմնավորվում են Ռուսաստանի արխիվներում գտնվող կուսակցական, պետական բնութի պաշտոնական փաստաթղթերով: Օգոստոսի երկրորդ կեսին Բեքիր Սամիի պատվիրակությունը, դժգոհ լինելով Չիչերինից, հանդիպում է ունենում Լենինի հետ, որի մոտ բարձրացվում է նետեյալ հարցը. 1920 թ օգոստոսի 10-ի ռուս-հայկական համաձայնագրում սխալ է թույլ տրվել, երկաթուղու Շահթախտ—Մարիդամիշ հատվածը թողնվել է Հայաստանի սահմաններում, որի պատճառով կտրվել է Ռուսաստանի և Թուրքիայի անմիջական կապը: Առաջարկվում է այդ սխալը ուղղել: Լենինը Թուրքական պատվիրակությունը պատասխանել է. «Մենք հասկացել ենք, որ սխալվել ենք այդ հարցում: Այդ դուք ինքներդ ուղղեք»: Այդ նշանակում էր, որ Թուրքիան Ռուսաստանի համաձայնությունն է ստանում Հայաստանի վրա հարձակում սկսելու մասին: Օրջոնիկիձեն դեմ էր այդ տեսակետին և գտնում էր, որ եթե այդ շրջանը պետք է հայերից վերցվի, ապա ճիշտ կլինի, որ դա իրականացնի ոչ թե Թուրքիան, այլ Ռուսաստանը, երկար քննարկումներից հետո Օրջոնիկիձեի տեսակետը շնորհունվեց:

Թուրքական պատվիրակության անգամ Յուսուֆ Քեմալը շտապ մեկնեց Թուրքիա Ռուսաստանի տեսակետը Քեմալին հալոնելու համար. նա Տրապիզոն ժամանեց սեպտեմբերի 18-ին և, ինչպես հայտնի է, ունենալով Լենինի համաձայնությունը, Թուրքերը մի քանի օր հետո հարձակվեցին Հայաստանի վրա:

3. Հայաստանի Հանրապետության դեմ Թուրքիան և Ադրբեջանը դործում էին կոորդինացված ծրագրով: Սեպտեմբերի 17-ին Բաքվում գործող Արևելքի ժողովուրդների խորհրդի նախագահության «Արևելքի ժողովուրդների քարոզչական ու գործողության խորհուրդը», որը փաստորեն ղեկավարվում էր Օրջոնիկիձեի և Նարիմանովի կողմից, ընդունում է 3-րդ ինտերնացիոնալի գործադիր կոմիտեի նախագահությանը և ՌԿԿ Կենտկոմին ուղղված մի փաստաթուղթ, որտեղ պահանջվում էր ոչ միայն Արևմտյան Հայաստանը, այլև Հայաստանի Հանրապետությունը զոհաբերել Թուրքիային: Մոսկվայի առաջ հարց էր բարձրացվում՝ թույլ տալ Թուրքիային հարձակվել դաշնակցական



Հայաստանի վրա ոչնչացնել հայոց պետականությունը և դրանով իսկ աշակ-  
ցել մարող ազատագրական շարժմանը թուրքիայում:

4. Փաստաթղթերի 4-րդ խումբը՝ թուրքական և ռուսական, վկայում է, որ Ռուսաստանը և թուրքիան ավելի ուշ՝ սեպտեմբերին, պայմանավորվածություն են ունեցել Հայաստանի վրա միաժամանակ հարձակվելու մասին: Սակայն Ռուսաստանը իր խոստումը չի կատարել, նպատակահարմար գրտնելով Հայաստան զորք մտցնել միայն այն դեպքում, երբ թուրքերը ծնկի կբերեն հայերին և իրենք կկարողանան Հայաստան մտնել որպես «հայ ժողովրդի ազատարարներ»: Այդ քաղաքականությունը հետևողականորեն իրականացվեց Ռուսաստանի կողմից:

5. 1920 թ. սեպտեմբերի վերջերին թուրքական զորքերը հարձակվում են Հայաստանի վրա: Հայկական բանակը չկարողացավ դիմակայել թուրքերի հարձակմանը: Նորից օրակարգի մեջ մտավ հայոց ցեղապանության և հայ պետականության կործանման խնդիրը: Լեգրանը, տեղյակ չլինելով Մոսկվայի որոշման մասին, տագնապալից հեռագրերի մի շարք է հղում Ռուսաստանի ղեկավարությունը: Մի քանի օրվա լուսվյունից հետո, երբ պարզ դարձավ, որ թուրքերը նպատակ են դրել գրավել Հայաստանը, հոկտեմբերի 5-ին Չիչերինը հեռագրում է ՌԿԿ Քաղբյուրոյին. «Թուրքերի հետ պայմանավորվածություն է կղել որ մեզ հետ անհրաժեշտ կոնտակտի համար նրանք կգրավեն Սարիղամիշ—Շահմախտ գիծը՝ մեզանից անկախ և առանց որևէ կաս, մեզ հետ... Պայմանավորվածություն կար, որ թուրքերը Սարիղամիշ—Շահմախտ գծից սուաջ չեն գնա: Սակայն Օրջոնիկիձեից ստացված վերջին տեղյակների համաձայն, նրանք շարժվում են դեպի Կարս և կարծես թե սկսում են ավելի լուրջ հարձակում»:

Չիչերինը նույն փաստաթղթում միաժամանակ հայտնում է. «Օրջոնիկիձեն նշում է, որ եթե թուրքերը շարունակեն շարժվել դեպի Հայաստանի խորքերը, ապա իրենք հարկադրված կլինեն հայերին առաջադիվ մեր զորքերով դրավել իրենց ամբողջ երկիրը՝ կոտորածները կանխելու համար»:

Նոյեմբերի 3-ին, երբ թուրքական զորքերը մեծ հաջողություններ են բերելով առաջ էին շարժվում, Ստալինը հեռագրում է Չիչերինին. «Թուրքերի հարձակման մասին լուրերը չափազանցված են... Ահա թե ինչու, այդ լուրերին պետք է վերաբերվել հանգիստ»: Ստալինը բնականաբար հանգիստ էլ Պեպլերը զարգանում էին մշակված պլանի համաձայն: Բաքվում զուգահեռաբար մշակվում էր Հայաստան ռուսական զորք մտցնելու ծրագիրը: Բայց դրա համար անհրաժեշտ էր, որ Հայաստանի վիճակը այնքան ծանրանար, որ Հայաստանի ղեկավարությունը հարկադրված լիներ դիմել Ռուսաստանի զինված օգնությանը: Այդ պատճառով էլ Ռուսաստանը թուրքերի հարձակումը կանգնեցնելու համար ոչ մի միջոց ձեռք չառավ:

ՌԿԿ Քաղբյուրոն այդ ժամանակ արդեն մշակած ունեւր Հայաստանի նկատմամբ վարվող քաղաքականության մասին մի ամբողջական ծրագիր որը բաղկացած էր միմիմում և մաքսիմում նպատակներից: Մաքսիմում նպատակը՝ Հայաստան զորք մտցնելն էր, Հայաստանի խորհրդայնացումը: Բնականաբար, ՌԿԿ Կենտկոմը պայքարում էր Մաքսիմում ծրագրի իրականացման համար:

Նոյեմբերի 29-ին, երբ հայկական բանակը արդեն պարտվել էր և ռուսական բանակը կարգադրություն էր ստացել մտնել Հայաստան, Ստալինը հեռագրում է Լեգրանին և Մդիվանուն. «Շտապել պետք չէ, անհրաժեշտ է սպասել համալրման: Թուրքերի հետ դաշնակցների համար կովել պետք չէ, բայց թուրքերին ամեն ինչ զիջելն էլ թուլատրելի չէ. անհրաժեշտ է թուրքերից հետ ստանալ Ալեքսանդրապոլը Հայաստանի համար՝ առայժմ առկախ թողնելով Կարսի հարցը»:

Հայաստանի պետականության ճակատագիրը որոշված էր: Հեռագիրը տալու պահին ռուսական զորքերը արդեն մտել էին Հայաստանի տարածք: Դեկտեմբերի 2-ին Երևանում Հայաստանի Հանրապետության ղեկավարու-

թյունը հարկադրված էր ստորագրել ուսու-հայկական համաձայնագիրը, որով Հայաստանի Հանրապետությունը դադարեցրեց իր գոյությունը՝ Հայաստանը խորհրդայնացվեց և մտավ Ռուսաստանի կազմի մեջ:

Բերված նյութերը ցույց են տալիս, որ Հայաստանի Հանրապետության կործանումը Իաշնակցության սխալ քաղաքականության արդյունք համարելը լուրջ չէ: Հայոց պետականությունը դարձել է ուսու-թուրքական գործարքի զոհ:

#### 7. Մայիսյան հերոսամարտերի և Հայաստանի Հանրապետության պատմական նշանակությունն ու դասերը

Ընդհանուր գծերով պատկերացում տալով քննարկվող հիմնախնդիրների ուսումնասիրության մասին, այժմ տեսնենք, թե որոնք են 1918 թ. Մայիսյան հերոսամարտերի և Հայաստանի Առաջին Հանրապետության պատմական նշանակությունն ու դասը:

1. 1918 թ. մայիսին օրակարգում էր դրված հայ ժողովրդի լինել-չլինելու, իր Հայրենիքի մի փոքր անկյունում՝ Արևելյան Հայաստանում ապրելու, գոյատևելու խնդիրը:

Հայ ժողովուրդը հերոսաբար լուծեց այդ պատմական խնդիրը, կարողացավ ջախջախել թուրքական զորքերին և զենքով ձեռք բերել իր սեփական Հայրենիքում ապրելու, գոյատևելու ու զարգանալու իրավունքը: Չլինեին այդ պատմական հաղթանակները հայ ժողովուրդը կկորցներ իր Հայրենիքի վերջին անկյունը՝ Արևելյան Հայաստանը, ժողովրդի մի մասը ցեղասպանության կենթարկվեր, մյուս մասը՝ կհեռանար օտար երկրներ: Արևելյան Հայաստանը և արևելահայությունը կարժանանային այն դաժան ճակատագրին, որին արժանացան Արևմտյան Հայաստանը և արևմտահայությունը: Արևելյան Հայաստանը հայաթափ կլիներ, այն կբնակեցվեր թուրքերով, ադրբեջանցիներով և քրդերով:

2. Մայիսյան հերոսական ճակատամարտերով ազատագրվեց Արևելյան Հայաստանը, մայիսի 28-ին հռչակվեց Հայաստանի Անկախ Հանրապետությունը: Ավելի քան 600 տարվա ընդմիջումից հետո վերականգնվեց հայոց անկախ պետականությունը, որը ժողովրդի գոյապահպանման ու զարգացման հիմնական պայմանն է:

Մայիսյան հերոսամարտերը և մայիսի 28-ը նշանավորեցին պետականության կորուստից հետո մզված ազատագրական դարավոր պայքարի հաղթանակը՝ հայոց պետականության վերածնունդը:

3. 1918 թվականին հայերը թուրքերի դեմ ժողովրդական պատերազմ էին մղում, որին մասնակցում էր ամբողջ հայ ժողովուրդը: Թուրքական զորքերը Արևելյան Հայաստան էին ներխուժել ամբողջ հայությանը ոչնչացնելու նպատակով և հայ ժողովուրդն էլ կռվի ելավ ամբողջությամբ՝ մեծից մինչև փոքրը, իր բոլոր կուսակցություններով և դասակարգերով: Հաղթահարվեց կուսակցական, դասակարգային, քաղաքական, հատվածային պառակտվածությունը, որը նախորդ շրջաններում երբեմն բախտորոշ վնասներ էր հասցրել ազատագրական շարժմանը:

1918 թվականի մայիսին հաղթեց ազգային միասնության գաղափարը, հաղթեց ժողովրդի գոյապահպանման հիմնական գործոնը՝ լեֆեապահպանման բնագործը:

4. Թուրքերը, քրդերը և շերքեզները դարեր շարունակ և ոչ առանց հաջողության, հայերի մեջ արմատավորում էին պարտվողականության, ստրուկի և զոհի բարդույթը: Եվ դա ցավոք աստիճանաբար դառնում էր ազգային բնավորության գիծ:

1918 թվականի Մայիսյան հերոսամարտերում հաղթահարվեց այդ չ՝ փազանց վտանգավոր բարդույթը: Հայ ժողովրդի մեջ վերադարձնեց իր նախնիների քաջարի ոգին, հայ ժողովուրդը հավատաց իր ուժերին, իր հաղթա-

նակին, իր ապագային, որ չի պատկանում կործանված ազգերին և դալիք պարերում առաքելություն ունի իրագործելու:

5. Մայիսյան հերոսամարտերով և Հայաստանի Հանրապետության հրուշակմամբ հայ ժողովուրդը րեակոխեց իր պատմության նորագույն շրջանը՝ դուրս գալով աշխարհին, որ չի կորցրել հողու կորովը և պատրաստ է նորագույն շրջանում ևս դենքը ձեռքին ապահովելու Հայրենիքի անկախությունը, ասլրելու և զարգանալու իրավունքը: Այդ դրույթը հայ ժողովուրդը փայտ կերպով ապացուցեց Ղարաբաղյան շարժման տարիներին դրսևորած ազատյին-ազատագրական հերոսական պայքարով:

6. Հայաստանի Առաջին Հանրապետությունը հիմք հանդիսացավ հորհրդային Միության կազմում Հայաստանի՝ որպես միութենական հանրապետություն գոյութան համար: Միութենական հանրապետություն՝ հորհրդային Հայաստանում, հետագա տասնամյակներում բարենպաստ պայմաններ ստեղծվեցին հայության կոնսոլիդացիայի, ժողովրդական տնտեսության, մշակութի, գիտության, կրթական համակարգի թռիչքաձև զարգացման համար, առանց որի 1991 թվականին բացառվում էր Հայաստանի Անկախ Հանրապետության հռչակումը:

1921 թ. հուլիսի 2—3-ը Թիֆլիսում տեղի է ունենում ՌԿԿ Կովկասյան բյուրոյի պլենումը Ստալինի մասնակցութամբ, որը քննարկում էր այն հարցը, թե ի՞նչ իմաստով պետք է հասկանալ անդրկովկասյան հանրապետությունների անկախության կարգավիճակը: Ստալինը պլենումում հայտնեց, որ ազգութունների համար նախատեսվում է ավտոնոմիաների շղթա աստիճանա) ադմինիստրատիվ ավտոնոմիա, բ) (ավտոնոմ հանրապետություններ, գ) պայմանագրային հանրապետություններ, դ) լրիվ անկախ հանրապետություններ: Ի տարբերություն մյուս ավտոնոմիաների, ասաց Ստալինը, Անդրկովկասի երեք հանրապետությունները՝ Վրաստանը, Հայաստանը և Ադրբեյջանը պետք է պետական անկախության լրիվ ստատուս ունենան: Այդ հանգամանքը Ստալինը բացատրեց հետևյալ կերպ. «Այդ երեք հանրապետությունները մնացածներից տարբերվում են նրանով, որ ազգային կառավարությունների երեքամյա գոյութունը դրել է իր որոշակի կնիքը, դաստիարակության հետքերը մնացել են և իորհրդայնացմամբ հնարավոր չէ դրանք միանգամից վերացնել. այդ պատճառով էլ հարկադրված ենք գնալ զարտուղի ճանապարհներով: Դրանով նրանք արմատապես տարբերվում են մնացած հանրապետություններից»:

Այս որոշումը ընդունելիս Ռուսաստանի ղեկավարությունը հիմք էր բնդունել հետևյալ երկու իկատառումները.

ա) Անկախ հանրապետությունների շուրջ երեքամյա գոյութունից հետո Անդրկովկասի երեք հանրապետությունների ժողովուրդների համար անհասկանալի կլինեի անկախ պետականությունից զրկվելը:

բ) Ռեժեղ նացիոնալիզմի առկայութունը, որը կարող էր անցանկալի հակաբողնիկյան շարժումներ առաջացնել Անդրկովկասի հանրապետություններում:

Այսպիսով, չլինեի Հայաստանի Առաջին Հանրապետությունը՝ չէր լինում միութենական հանրապետություն հորհրդային Հայաստանը, չլինեի միութենական հանրապետություն հորհրդային Հայաստանը՝ ԽՍՀՄ փլուզումից հետո չէր լինի 1991 թվականին հռչակված Հայաստանի Անկախ Հանրապետությունը:

7. Եմ վերջապես վերջին հարցը:

Ի վերջո, հայ ժողովուրդը 1920 թ. կորցրեց իր անկախ պետականութունը: Այսօր նշելով այդ պատմական իրադարձությունների 80-ամյակը, մենք սյարտամոր ենք ոտոշակիորեն պատասխանելու այն հարցին, թե որն է որանդից բխող պատմական դասը, պատմության ներկա փուլում ինչպիսի քառաքականություն պետք է մարի հայ ժողովուրդը, որպեսզի նորից չկորցնի իր նորանկախ պետականությունը:

Հայաստանի Առաջին Հանրապետության կարճատև պատմությունը հաջորդ սերունդներին պատմական դաս թողնելույն նշմարելու էությունը, որ հայ ժողովրդի և հայոց անկախ պետականության գոյատևման երաշխիքը՝ պատմության նորագույն շրջանում ազգային գաղափարախոսության՝ ժամանակի հիմնախնդիրներին համահունչ նոր մոդելի մշակումն է, որում այլ պրոբլեմների հետ միասին իր լուծումը պետք է դրսևի հայոց ազգային թշնամու՝ Թուրքիայի և Բարեկամ՝ ռուսական պետության ստրատեգիական մրցակցության, իսկ երբեմն էլ մարտավարական բնույթ կրող դաշնակցության պայմաններում՝ հայ ժողովրդի ու պետականության գոյատևման ու վարձացման գիտականորեն հիմնավորված ազգային անվտանգության ծրագիրը՝ նկատի ունենալով ինչպես պանթուրքիզմի ավանդական վտանգը և Ռուսական կայսրության, նիշտ է ստրատեգիական բարեկամության, բայց ոչ միշտ միանշանակ տակտիկական բնույթ կրող հայամետ քաղաքականությունը: Հայոց ազգային անվտանգության կոնցեպցիան պետք է մշակվի ինչպես թուրքերի, այնպես էլ ռուսաց ազգային գաղափարախոսությունների լուրջ ուսումնասիրության հիման վրա, մի խնդիր, որը, ցավոք, մինչև այսօր չի կատարվել:

Հայոց ազգային գաղափարախոսությունը խորհրդային իշխանության տարիներին, կոմունիստական գաղափարախոսության տիրապետության պայմաններում չէր կարող մշակվել: Յավոք, 1991 թվականից հետո ևս շմակվեց: ՀՀ Նախագահի և ՀՀԿ-ի կողմից ազգային գաղափարախոսությունը մերժվեց, այն բնութագրվեց «կեղծ քաղաքական կատեգորիա»:

Հայաստանի Հանրապետության նորընտիր ղեկավարությունը, ելնելով հայ ժողովրդի և պետականության շահերից, պետք է առաջիկայում շուտափույթ կերպով ձեռնամուխ լինի հայոց ազգային գաղափարախոսության հայոց ազգային անվտանգության կոնցեպցիայի ստեղծմանը, որը նորանկախ հանրապետությանը գերծ կպահի ճակատագրական սխալներից և կապահովի ժողովրդի ու պետականության գոյատևումը գալիք դարերում:

Ահա այս է այն հիմնական դասը, որը պետք է քաղի հայ ժողովուրդը և հայ քաղաքական միտքը 1918 թվականի Մայիսյան հերոսամարտերի և Հայաստանի Հանրապետության պատմության ուսումնասիրությունից:

#### ГЕРОИЧЕСКИЕ МАЙСКИЕ БОИ 1918 г. И ИСТОРИЧЕСКОЕ ЗНАЧЕНИЕ И УРОКИ РЕСПУБЛИКИ АРМЕНИИ

Академик НАН РА ЛЕНДРУШ ХУРШУДЯН

#### Резюме

В докладе, прочитанном на юбилейной научной сессии Института истории НАН РА 22 мая 1998 г., рассматриваются многие основные вопросы истории армянского народа 1918—1920 гг., как то: какое место занимает первая половина 1918 г. в истории нашего народа; в чем состояла основная цель турецких захватчиков в 1918 г.; почему армянскому народу удалось в этих, казалось бы, безнадежных условиях одержать победу над врагом и почему в сентябре—ноябре 1920 г. 40-тысячная армия Армении потерпела поражение; характер и содержание майских боев 1918 г.; основные причины гибели Республики Армении в 1920 г. Указанные проблемы в докладе обобщаются и интерпретируются в тесной связи с характеристикой основных событий истории армянского народа этого периода.